

AKASHVANI AIZAWL

REGIONAL NEWS UNIT

REGIONAL NEWS BULLETIN

Saturday, September 20, 2025 Time - 2:30pm - 2:35pm

BJP ANNOUNCED DAMPA BY POLL CANDIDATE

Bharatiya Janata Party Central Election Committee chuan Dampa bial MLA by-election lo awm tura an party candidate turin Pu Lalhmingthanga an ruat.

BJP Central Office chuan nizan khan thuchhuah siamin Pu Lalhmingthanga chu Dampa bial MLA by-election lo awm tura an party candidate ni turin an ruat tih an sawi a ni.

Dampa bialtu MLA Pu Lalrintluanga Sailo a boral avanga by-election neih turah hian sawrkar lai ZPM party chuan August ni 25 khan an party candidate atan Pu Vanlalsailova an lo puang tawh a, September ni 2 khan MNF Party chuan an party candidate atan Dr R. Lalthangliana an puang a, Congress Party chuan an party candidate atan Pu John Rotluangliana an puang tawh bawk a ni.



NAMO YUVA RUN

Tukin khan Bharatiya Janata Yuva Morcha (BJYM) buatsaih India Prime Minister Pu Narendra Modi pianni champha vawi 75-na lawmna pualin Namu Yuva Run chu Aizawlah huaihawt a ni.

BJP Mizoramin Marathon a buatsaihah ah hian Palak bialtu MLA Pu K Hrahmo chuan Bawngkawm atangin inthlansiaka telte hi a vailiam a, Namu Yuva Run hian tum pahnih neiin taksa insawizawi bakah ruihhlo laka fihlim tura mitin zirtir a ni a, AR Lammual ah a tawp kharna hun neih niin Namu Yuva Run ah hian mi 100 vel an tel a, lawmman pawisa fai leh thuziak sem nghal a ni.

BJP Mizoram hian Prime Minister Narendra Modi-a piancham (September ni 17) leh India hnampa Mahatma Gandhi-a piancham (October ni 2) inkarah midang tana luanchhuahna hun "Seva Pakhwada" buatsaihin Sairang rel chawlhmun an tihfai bakah a mamawh apiang tan thisen an pe bawk a ni.



LCMC FREE CLINIC

Lairam Isua Krista Baptist Kohhran in a din, Lairam Christian Medical Centre din champha vawi 24 na pualin nimin khan a thlawna in entirna hun, LCMC, Lawngtlai ah neih a ni.

LCMC din champha puala a thlawna inentirna ah hian Doctor paruk rawn theihin an thu a, inentir inziaklut mi 800 chuang awmin hun hlawkthlak tak an hmang a ni.

Nimina inentir te hi a thlawnin Damdawi an mamawh turte pek an ni a, Damdawi semtur a ruahman hi cheng Nuai 17 chuang man niin, vawiina inentir, khawl hmanga en ngaite chu a man pangngai atangin a zatve a tihhniam a ni bawk.

Dr. B.Zonunsanga chuan LCMC din champha puala mipui rawngbawl nan a thlawna in entirna an buatsaih chuan hlut a hlawh viaua an hriatthu leh an rawngbawlna hlutsaktute chungah lawmthu sawiin, Pathian tanpuinain damna thatak chang turin damlote duhsakna a hlan a ni.

Lairam Christian Medical Centre hi September 19, 2001 khan khatih laia Mizoram Larsap Pu AR Kohli-an a hawng a, kumtinin an din champha ah a thlawna inentirna hun hi buatsaih thin niin, nakum hi Silver Jubilee kum a nih dawn vangin, huamzau zawkin a thlawna mipui rawngbawlnan ruahmanna siam an tum a ni.

(Lalngheta Ralte PTC Lawngtlai)



LUNGLEI MZP

Mizo Zirlai Pawl, Lunglei chuan Aizawl-Thenzawl-Lunglei kawng siam that hna thawh tur hmun thenkhat chu nimin khan an enfiah a, kawng siam chhungin kawng siam dan an vil dawn tih an sawi.

Lunglei leh Kanghmun S inkar kawng an enfiahna ah hian PWD hotute chuan lo dawngsawngin, tun dinhmunah ATL kawng siam hna tan anih hma in PWD Lunglei lamin kawng khuar hnawh hna an thawk mek a, November thla atanga kawng siam hna thawh tan tura ruahman anih thu an sawi a ni.

Lunglei leh Kanghmun S inkarah hian lei min then fai loh eng emawzat awm chu a rang lam thenfai a nih theihnana MZP Hqrs: Lunglei chuan chak zawka hmala turin thuneitute an ngen a, kawng siamna atana lung lakna hmun Haulawng-Dawn kawng inkara quarry-a thubuai awm mek chu chinfel thuai an duh tih an sawi bawk a, ATL kawng siam enzui hna chu hna tan a nih atanga a tawp thleng an vil chhonzawm zel dawn tih an sawi bawk.



SEVA PARV

Mipui rawngbawl leh sorkar inrelbawlna tha tih thupui a hmangin Prime Minister Narendra Modi sorkarna hnuaiah kum kalta chhung khan hmasawna kawng hrang hrangin kalpui a ni a.

Tun tum Seva Parv hunah chuan Prime Minister Narendra Modi sorkarna hnuaia tribal mite tana hmalakna han tarlang ila..

India ram chu khawvela hnam chi hrang hrang awm khawmna hmun niin, mihring vbch 10 leh nuai 45 chuang cheng anga chhut a ni a. Sorkar laipui chuan tribal mite tan Development budget chu kum 2013-2014 atangin vawi nga chuang laiin tihpun a ni a.

Hei bakah hian scheme hrang hrangte duangin, tribal miten hamthatna an dawn leh eizawna kawng hrang hrang siamsak chu a tum a ni.

